

Служба во Святую и Великую Среду Страстной седмицы.

Вечером вторника

Чтётся кафисма 14.

По кафизме седален глас 3:

Блудница приступи к Тебе, миро со слезами, изливаяши на нозе Твой, Человеколюбче, и смрада зол избавляется повелением Твоим: дыша же благодать Твою ученик неблагодарный, сию отлагает и смрадом одевается, сребролюбием продавая Тебе: слава, Христе, благоутробию Твоему.

Слава, и ныне: тотже. <далее см. основной Чин>

Изменяемое №1

На Господи возвах глас 1:

Стих: Изведи из темницы душу мою, исповедатися Имени Твоему.

Тебе, Девыя Сына, блудница познавши Бога, глаголаше, в плачи моляшися, яко слез достойная соделавшая; разреши долг, якоже и аз власи: возлюби любящую, праведно ненавидимую, и близ мытарей Тебе проповем, Благодетелю Человеколюбче.

Стих: Мене ждут праведницы, дондеже воздаси Мне.

Многоценное миро блудница смеси со слезами, и излила на пречистей нозе Твой, облобызавши; оную абие оправдал еси, нам же прощение даруй, пострадавший о нас, и спаси нас.

Стих: Из глубины возвах к Тебе, Господи, Господи, услыши глас мой.

Егда грешная приношаше миро, тогда ученик соглашашеся пребеззаконным. Овая убо радовашеся, истощавши миро многоценное; сей же тщася продати Безценнаго. Сия Владыку познаваше, а сей от Владыки разлучашеся. Сия свободдася, а Иуда раб бываше врагу. Люто есть леньность, велие покаяние: еже мне даруй, Спасе, пострадавший о нас, и спаси нас.

Стих: Да будут уши Твои внимлюще гласу моления моего.

О, Иудина окаянства! Зряше блудницу целующую стопы, и умышляше лестию, предания целование. Оная власи разреши, а сей яростию вязашеся, нося вместо мира злосмрадную злобу: зависть

бо не вестъ предпочитати полѣзное. О, Иўдина окаянства! От негоже избáви, Бóже, душы нáша.

Стих: **Аще беззакония нáзриши, Гóсподи, Гóсподи, кто постоит? Яко у Тебé очищѣние есть.**

Глас 2: Грѣшная течѣ к мíру, купити многоцѣнное мíро, еже помáзати Благодѣтеля, и миропродáтелю вопиáше; даждь ми мíро, да помáжу и аз Очи́стившаго вся моя грехи́.

Стих: **И мене рáди Твоегó потерпѣх Тя, Гóсподи, потерпѣ душá моя в слóво Твоѣ, уповá душá моя на Гóспода.**

Глас 6: Погружѣная грехом, обрѣте Тя пристáнище Спáсения, виждь и мíра со слезáми растворяющую. Тебé вопиáше; виждь согрѣшáющих покая́ния ожида́й: но, Влады́ко, спаси́ мя от волны́ греховныя, вели́кия рáди Твоея́ мíлости.

Стих: **От стражи у́тренняя до но́щи, от стра́жи у́тренняя, да упова́ет Изра́иль на Гóспода.**

Днесь Христос приходит в дом фарисѣов, и женá грѣшница приступивши к ногáм, валя́шеся вопи́ющи: виждь погружѣную грехом, отчая́нную дея́ний рáди, негнуша́емую от Твоея́ благодати, и даждь ми, Гóсподи, оставлѣние злых, и спаси́ мя.

Стих: **Яко у Гóспода мíлость, и мно́гое у Него́ избавлѣние, и Той избáвит Изра́иля от всех беззаконий его́.**

Прострѣ блудница власы́ Тебѣ, Влады́це, прострѣ Иўда рúце беззаконным: óва ўбо прияти оставлѣние, ов же взяти сребреники. Тѣмже Тебѣ вопи́ем прóданому, и свобóждшему нас: Гóсподи, сла́ва Тебѣ.

Стих: **Хвалите́ Гóспода вси язýцы, похвалите́ Его́ вси лю́дие.**

Приступи́ женá злосмра́дная и осквернѣная, слѣзы пролива́ющи, любя́щи, Спáсе, страсть исповѣда́ющи: како воззрю́ к Тебѣ, Влады́це? Сам бо пришѣл еси́ спасти́ блудницу. Из грóба умѣршую мя воскреси́, Иже Лázаря воздвигну́вый из грóба четвероднѣвна: приими́ мя ока́янную, Гóсподи, и спаси́ мя.

Стих: **Яко утверди́ся мíлость Его́ на нас, и исти́на Господня́ пребывáет во век.**

Отчая́ная жития́ рáди, и увѣдомая нра́ва рáди, мíра нося́щая приступи́ Тебѣ вопи́ющи: да не отвѣржеши мене́ блудную, Роди́выйся от Дѣвы, да не презриши́ моя́ слѣзы, Рáдосте А́нгелов.

Но примі мя кающуюся, юже не отринул есі согрешающую, Господи, великія раді Твоея мѣлости.

Слѣва, и ныне: Глас 8:

Господи, яже во многія грехи впадшая жена, Твое ощутившая Божество, мирносицы вземши чин, рыдаючи миро Тебе прежде погребения приносит, увы мне, глаголющи, яко ночь мне есть разжжение блуда невоздержанна, мрачное же и безлунное рачение греха. Примі моя источки слез, Иже облаками производяй моря воду. Приклонися к моимъ въздыханіемъ сердечнымъ, Приклонивый Небеса, неизреченнымъ Твоимъ истощаніемъ, да облобыжу пречистей Твои нозе, и отру сѣя паки главы моеи власы, ихже в рай Ева, по полудни, шумомъ уши огласивши, страхомъ скрѣися. Греховъ моихъ множества, и судьбъ Твоихъ бездны кто изслѣдитъ? Душеспасче Спасе мой, да мя, Твою рабу, не презриши, Иже безмерную имѣяй мѣлость.

<далее см. основной Чин>

[Изменяемое №2](#)

[Прокимен после «Свете тихий»:](#) *См. Прокимен дня <далее см. основной Чин>*

[Изменяемое №3](#)

[Паримии:](#)

[Прокимен](#) *глас 4:* Благословитъ тя Господь от Сиона, сотворивый Небо и землю. *Стих:* Се, ныне благословите Господа вси раби Господни.

Пророчества Иезекиилева чтѣние.

Рече (Господь) ко мне: сыне чловець, послю ты азъ к дому Израилеву, огорчеваяущымъ мя, иже огорчиша мя, сами и отцы ихъ отвергшася мене до днешняго дне. И сынове жестоколѣчнии, и твердосердечнии: азъ послю ты к темъ и речеши к нимъ: тако глаголетъ адонай Господь. Аще убо услышатъ или убоятся: зане домъ огорчеваяй есть, и познаютъ, яко пророкъ еси ты посреде ихъ. И ты, сыне чловець, да не убойшися ихъ, ни ужасайся отъ лица ихъ: зане разсверепеютъ и обидутъ ты окрестъ, посреди бо скорпиевъ ты живѣши: словесъ ихъ не убойся и отъ лица ихъ не ужасайся, зане домъ огорчеваяй есть. И возглаголеши словеса моя к нимъ, аще убо услышатъ, или убоятся, зане домъ прогневаяй есть. И ты, сыне чловець, послушай

глаголющаго к тебе, не буди огорчеваяй, якоже дом преогорчеваяй: отверзи уста твоя, и снеждь, яже Аз даю тебе. И видех, и се рука простерта ко мне, и в ней свиток книжный. И разви его предо мною, и в том писана быша предняя и задняя: и написано быше в нем рыдание, и жалость, и горе. И рече ко мне: сыне человек, снеждь свиток сей, и иди, и рцы сыном израилевым. И отверзох уста моя, и напита мя свитком сим. И рече ко мне: сыне человек, уста твоя снут и чрево твое насытится свитка сего даннаго тебе: и снудох его, и бысть во устех моих, яко мед, сладок.

Прокимен глас 6: Боящиися Господа, Благословите Господа. *Стих:* Хвалите имя Господне, хвалите раби Господа.

Изменяемое №3

От Иоанна Святаго Евангелиа чтение.

Лик: Слава Тебе, Господи, слава Тебе.

Во время оно, свидетельствоваше народ сый со Иисусом, егда Лазаря возгласи от гроба, и воскреси его от мертвых. Сего ради и срете Его народ, яко слышаша Его сие сотворша знамение. Фарисее же рече к себе: видите, яко никакая же польза есть, се мир по Нем идет. Бяху же нецыи еллини от вшедших, да поклонятся в праздник. Сии убо приступиша к Филиппу, иже бе от Вифсайды Галилейския и моляху его, глаголюще: Господи, хощем Иисуса видети. Прииде Филипп и глагола Андрееви: и паки Андрей и Филипп глаголаста Иисусови. Иисус же отвеща има, глаголя: прииде час, да прославится Сын Человеческий. Аминь, аминь, глаголю вам: аще зерно пшенично пад на земли не умрет, то едино пребывает: аще ли умрет, мног плод сотворит. Любяй душу свою, погубит ю: и ненавидяй душу свою в мире сем, в животé вечнем сохранит ю. Аще кто Мне служит, Мне да последствует: и идеже есмь Аз, ту и слуга Мой будет. И аще кто Мне служит, почтит его Отец Мой. Ныне душа Моя возмутися, и что реку? Отче, спаси Мя от часа сего: но сего ради приидох на час сей. Отче, прослави Имя Твое. Прииде же глас с Небесе: и прославих, и паки прославлю. Народ же стояй слышав, глаголаху: гром бысть. Инии глаголаху: ангел глагола Ему. Отвеща

Иисус и рече: не Мене ради глас сей бысть, но народа ради. Ныне суд есть миру сему: ныне князь мира сего изгнан будет вон. И еще Аз вознесен буду от земли, вся привлеку к Себе. Сие же глаголаше, назнаменуя, кою смертию хотяше умерети. Отвеща Ему народ: мы слышахом от закона, яко Христос пребывает во веки: како Ты глаголеши, вознестися подобает Сыну Человеческому, кто есть сей Сын Человеческий? Рече же им Иисус: еще мало время Свет в вас есть: ходите, дондеже Свет имате, да тьма вас не имет: и ходяй во тьме, не весть камо идет. Дондеже Свет имате, веруйте во Свет, да сынове Света будете. Сия глагола Иисус, и отшед скрыся от них. Толика знамения сотворшу Ему пред ними, не вероваху в Него. Да сбудется слово Исаии пророка, еже рече: Господи, кто верова слуху нашему; и мышца Господня кому открыся? Сего ради не можаху веровати, яко паки рече Исаиа. Ослепи очи их, и окаменил есть сердца их, да не видят очима, ни разумют сердцем, и обратятся, и исцелю их. Сия рече Исаиа, егда виде славу Его, и глагола о Нем. Обаче убо и от князь мнози и вероваша в Него; но фарисей ради не исповедоваху, да не из сонмищ изгнани будут, возлюбisha бо паче славу человеческую, неже славу Божию. Иисус же возва и рече: веруяй в Мя, не верует в Мя, но в пославшаго Мя. И видяй Мя, видит пославшаго Мя. Аз свет в мир придох, да всяк веруяй в Мя, во тьме не пребудет. И еще кто услышит глаголы Моя и не верует, Аз не сужду ему: не придох бо, да сужду миру, но да спасу мир. Отметайся Мене и не приемляй глагол Моих, иматъ Судящаго ему: слово еже глаголах, то судит ему в последний день. Яко Аз о Себе не глаголах: но пославый Мя Отец, Той Мне заповедь даде, что реку и что возглаголю. И вем, яко заповедь Его живот вечный есть: яже убо Аз глаголю, якоже рече Мне Отец, тако глаголю.

Лик: Слава Тебе, Господи, слава Тебе.

Прокимен глас 4: Исповедайтесь Богу Небесному, яко Благ, яко в век милость Его. *Стих:* Исповедайтесь Богу богов, яко в век милость Его.

Изменяемое №3

Исхода чтение.

Бысть во дни многия оны, велик быв Моисей, изыде к братьям Своим сыном Израилевым: разумев же болезнь их, виде человека египтянина бьюща некоего евреянина от братьий его сынов Израилевых. Обозревся же семо и овамо никогже виде: и поразив египтянина, скры его в песце. Изшед же во вторый день, виде два мужа евреянина бьющихся и глагола обидящему: чего ради ты биёши искренняго? Он же рече: кто ты постави князя и судию над нами? Еда убить мя ты хочещи, имже образом убил еси вчера египтянина? Убоясь же Моисей и рече: аще сие явлен бысть глагол сей. Услыша же фараон глагол сей, и искаше убить Моисеа. Отыде же Моисей от лица фараонова и вселися в земли Мадямстей: пришед же в землю Мадямскую, седе при кладязе. Священнику же мадымскому беша семь дочерей, пасущих овцы отца своего Иофора: пришедше же черпаху дондеже наполниша корыта, напоити овцы отца своего Иофора. Пришедше же пастырие, изгнаша я: востав же Моисей избави их, и налия им, и напои овцы их. Приидоша же к Рагуилу отцу своему: он же рече им: что яко ускорите прийти днесь? Оныя же рекоша: человек египтянин избави нас от пастырей, и начерпа нам, и напои овцы наша. Он же рече дочерем своим: и где есть? И вскую сие остависте человека. Призовите убо его, да яст хлеб. Вселися же Моисей у человека: и даде Сепфору дочь свою Моисею в жену. Во чреве же зачнши жена, роди сына: и нарече Моисей имя ему, Гирсам, глаголя: яко пришлец есмь в земли чуждей. Еще же зачнши роди сына второго, и нарече имя ему, Елиезер, глаголя: Бог бо Отца моего помощник мой, и избави мя от руки фараонова.

Прокимен глас 4: Господи, милость Твоя во век, дел руку Твоею не презри. **Стих:** Исповемся Тебе, Господи, всем сердцем моим, и пред Ангелы воспою Тебе.

Изменяемое №3

Иова чтение.

Бысть яко день сей, и приидоша Ангели Божии предстати пред Господем: и диавол прииде посреде их предстати пред Господем. И

рече́ Госпо́дь диáволу: отку́ду ты гряде́ши? Тогда́ рече́ диáвол пред Го́сподем: проше́д поднебе́сную, и обше́д всю зе́млю, приидо́х. И рече́ Госпо́дь к диáволу: внял ли еси́ у́бо (мы́слию твоёю) рабу́ Моему́ Йо́ву? Яко несть та́кова от су́щих на землі; челове́к незло́бив, и́стинен, непоро́чен, благочесті́в, удаля́йся от вся́каго зла, ещѐ же придержи́тся незло́бия: ты же рекл еси́ имени́я егó погуби́ти вотще́. Отвеща́в же диáвол Го́сподеви, рече́: ко́жу за ко́жу, и вся ели́ка има́ть челове́к, даст за ду́шу свою́. Обáче послі́ руку́ Твою́, и косни́ся костѐм Егó, и плоти́ Егó, áще не в лице́ Тя благослови́т. Рече́ же Госпо́дь диáволу: се предаю́ ти егó: то́кмо ду́шу егó соблюди́. Изыде же диáвол от лица́ Госпо́дня, и порази́ Йо́ва гно́ем лю́тым от ног да́же до главы́. И взя (Йов) чреп, да острога́ет гной свой, и той се́дяше на гно́ищи вне гра́да. Вре́мени же мно́гу мину́вшу, рече́ к нему́ жена́ егó, глаго́лющи: доко́ле терпи́ши? Се пожду́ вре́мя ещѐ мало, ча́ючи наде́жди спасе́ния моего́: се бо потреби́ся от землі па́мьять тво́я, сы́нове твоя́ и дщѐри, моего́ чре́ва болѐзни и труды́, и́миже вотще́ труді́хся с болѐзнями: ты же сам в гно́и черве́й се́диши, обнощевáя вне без покрóва, и аз скита́ющися и служа́щи, ме́сто от ме́ста преходя́щи, и дом от до́му, ожида́ющи со́лнца когда́ зайдѐт, да почи́ю от трудо́в мо́их, и от болѐзней, я́же мя ны́не обде́ржат. Но рцы́ глаго́л не́кий ко Го́споду, и умри́. Он же возрѐв рече́ к ней: вску́ю бо еди́на от безу́мных жен возгла́болала еси́? Аще благáя прияхом от руки́ Госпо́дни, злых ли не стерпи́м? Во всех сих приключи́вшихся ему́, ничи́мже согреши́ Йо́в устна́ма пред Бо́гом, (и не даде́ безу́мия Бо́гу).

[Изменяемое №3](#)

От Матфе́а Свята́го Ева́нгелиа чтѐние.

Лик: Сла́ва Тебе́, Го́споди, сла́ва Тебе́.

Диáкон: Во вре́мя о́но, Иису́су бы́вшу в Вифáнии в дому́ Си́мона прокаже́ннаго, приступи́ к Нему́ жена́ стекля́ницу ми́ра иму́щи многоце́ннаго, и возлива́ше на главу́ Егó возлежа́ща. Ви́девше же ученицы́ Егó, негодова́ша, глаго́люще: чесó ра́ди ги́бель сия́ бысть? Можаше́ бо си́е ми́ро продано́ бы́ти на мно́зе, и да́тися ни́щым. Разуме́в же Иису́с рече́ им: что́ тружда́ете жену́? Де́ло бо добро́

содѣла о Мнѣ. Всегда́ бо ни́щыя ѡмате́ с собою́: Мене́ же не всегда́ ѡмате́. Возли́авши бо сѡ́ міро́ сѡ́ на тѣло́ Моѣ́, на погребѣ́ние Мя́ сотвори́. Ами́нь глаго́лю вам: иде́же а́ще проповѣ́дано́ бѣ́дет Ева́нгелие́ сѡ́ во всемъ́ міре́, рече́тся, и е́же сотвори́ сѡ́, в па́мь ея́. Тогда́ шедъ́ еди́н от обоюна́десѡ́, глаго́лемый́ Иу́да Искаріо́тскій, ко архиере́ом, рече́: что́ ми хо́чете да́ти, и аз вам преда́м Его́? Онѡ́ же поста́виша́ ему́ три́десѡ́ сребрени́к. И отто́ле иска́ше подо́бна́ вре́мене, да Его́ преда́ст.

Лик: Сла́ва Тебе́, Го́споди, сла́ва Тебе́.

<далее см. основной Чин>

Изменяемое №8

Кано́н (трипѣ́снец) глас 2.

Песнь 3

Ирмо́с: На ка́мени мя́ ве́ры утверди́в, расшири́л еси́ уста́ мою́ на враги́ мою́, возвесели́ бо́ ся́ дух мой́ внегда́ пе́ти: несть́ свят, ꙗ́коже́ Бог наш, и несть́ пра́веден, па́че Тебе́, Го́споди.

Припе́в: Сла́ва Тебе́, Бо́же наш, сла́ва Тебе́.

Во тще́тных собо́рище́ беззако́нных, и мы́слию́ собира́ется злона́вную, осужде́на Изба́вителя́ изрещи́ Тя, Христе́. Ему́же́ поём: Ты еси́́ Бог наш, и несть́ свят па́че Тебе́, Го́споди.

Сла́ва Тебе́, Бо́же наш, сла́ва Тебе́.

Лю́тый сове́т беззако́нных, притворя́ется богобо́рныя́ души́ су́щия, ꙗ́ко́ злоупотре́бна, пра́веднаго́ уби́ти Христа́. Ему́же́ поём: Ты еси́́ Бог наш, и несть́ свят па́че Тебе́, Го́споди.

Сла́ва: Лю́тый сове́т беззако́нных, притворя́ется богобо́рныя́ души́ су́щия, ꙗ́ко́ злоупотре́бна, пра́веднаго́ уби́ти Христа́. Ему́же́ поём: Ты еси́́ Бог наш, и несть́ свят па́че Тебе́, Го́споди.

И ны́не: Лю́тый сове́т беззако́нных, притворя́ется богобо́рныя́ души́ су́щия, ꙗ́ко́ злоупотре́бна, пра́веднаго́ уби́ти Христа́. Ему́же́ поём: Ты еси́́ Бог наш, и несть́ свят па́че Тебе́, Го́споди.

Конда́к, глас 4: Па́че блудни́цы, Бла́же, беззако́нновав, слез ту́чи ника́коже́ Тебе́́ принесо́х; но молча́нием моля́ся припада́ю Ти, лю́бовию́ облобыза́я пречи́стѡ́и Твоѡ́и но́зе: ꙗ́ко́ да оста́вление́ мне

яко Владыка подаси долгов, зовущу Ти, Спасе: от скверных дел моих избави мя.

Икос: Яже पहले блудница жена, внезапно целомудренна явися, возненавидевши дела студнаго греха и сладости телесныя, поминаючи студ многий и суд мучения, егоже претерпят блудницы и сквернии, от нихже первый есмь аз, и боюсь: но пребываю в злом обычаи безумный. Блудная же жена убоявшись, и потщавшись скоро прииде, вопиючи ко Избавителю: Человеколюбче и Щедре, от скверных дел моих избави мя.

Песнь 8

Ирмос: Глагол мучителей понеже превозможе, седмерицею печь разжжена бысть иногда, в нейже отроцы не опалишася, цареве поправше веление, но вопияху: вся дела Господня Господа пойте и превозносите во вся веки.

Слава Тебе, Боже наш, слава Тебе.

Изливаючи жена миро честное, Владычню и Божественному Страшному верху, Христе, следов Твоих пречистых прикоснуса оскверненными дланма и вопияше: вся дела Господня Господа пойте и превозносите во вся веки.

Слава Тебе, Боже наш, слава Тебе.

Слезами омывает нозе, повинная грехом, Создавшего и отирает власи Своими. Темже в житии содеянных не погрешит избавления, но вопияше: вся дела Господня Господа пойте и превозносите во вся веки.

Слава Тебе, Боже наш, слава Тебе.

Священнодействуется избавление благонравней, от спасительных утроб же и слез источника, в Немже исповеданием изменившись, не стыдяшеся, но вопияше: вся дела Господня Господа пойте и превозносите во вся веки.

Благословим Отца, и Сына, и Святаго Духа, Господа.

Священнодействуется избавление благонравней, от спасительных утроб же и слез источника, в Немже исповеданием изменившись, не стыдяшеся, но вопияше: вся дела Господня Господа пойте и превозносите во вся веки.

И ны́не: Священнодействуется избавление благонравней, от спасительных утроб же и слез источника, в Немже исповеданием измывшися, не стыдяшися, но вопияше: вся дела Господня Господа пойте и превозносите во вся веки.

[Честнейшую: не поём, но а́бие:](#)

Песнь 9

Ирмос: Душа́ми чистыми и нескверными устна́ми, приидите возвеличим Нескверную и Пречистую Ма́терь Емману́илеву, Ё́уже из Нея́ к Рожде́нному приносяще моли́тву: пощади́ ду́ши на́ша, Христэ́ Бо́же, и спаси́ нас. (Два́жды).

Сла́ва Тебе́, Бо́же наш, сла́ва Тебе́.

Неразу́мен явлься, и лука́в ревнообра́зник, дар достойно Божествен слóвом продаёт, имже долг разрешися грехóв, кра́дый лю́тый Иу́да любобожественную благодать, пощади́ ду́шы на́ша, Христэ́ Бо́же, и спаси́ нас.

Сла́ва Тебе́, Бо́же наш, сла́ва Тебе́.

Глаго́лет шед беззако́нным князе́м: что́ ми хо́чете да́ти, и аз Христá вам иско́маго хотя́щим преда́м, присвоение Христо́во Иу́да отрину́вый златом; пощади́ ду́шы на́ша, Христэ́ Бо́же, и спаси́ нас.

Сла́ва Тебе́, Бо́же наш, сла́ва Тебе́.

О слепóтнаго сребролю́бия, нечестíве, отону́дуже забвение получи́л еси́, я́ко ду́ши ника́коже равностоя́телен мир, я́коже научи́лся еси́: отча́янием бо сам себе́ удави́л еси́, вжéгся, преда́телю: пощади́ ду́шы на́ша, Христэ́ Бо́же, и спаси́ нас.

Сла́ва: О слепóтнаго сребролю́бия, нечестíве, отону́дуже забвение получи́л еси́, я́ко ду́ши ника́коже равностоя́телен мир, я́коже научи́лся еси́: отча́янием бо сам себе́ удави́л еси́, вжéгся, преда́телю: пощади́ ду́шы на́ша, Христэ́ Бо́же, и спаси́ нас.

И ны́не: О слепóтнаго сребролю́бия, нечестíве, отону́дуже забвение получи́л еси́, я́ко ду́ши ника́коже равностоя́телен мир, я́коже научи́лся еси́: отча́янием бо сам себе́ удави́л еси́, вжéгся, преда́телю: пощади́ ду́шы на́ша, Христэ́ Бо́же, и спаси́ нас.

<далее см. основной Чин>

[Изменяемое №9](#)

[Свети́лен:](#)

Чертóг Твой вѣжду, Спáсе мой, украшѣнный, и одѣжды не íмам, да вни́ду в онь: просветѣ одея́ние душі моея́, Светода́вче, и спасѣ́ мя.

Слáва: Чертóг Твой вѣжду, Спáсе мой, украшѣнный, и одѣжды не íмам, да вни́ду в онь: просветѣ одея́ние душі моея́, Светода́вче, и спасѣ́ мя.

И ны́не: Чертóг Твой вѣжду, Спáсе мой, украшѣнный, и одѣжды не íмам, да вни́ду в онь: просветѣ одея́ние душі моея́, Светода́вче, и спасѣ́ мя.

<далее см. основной Чин>

Изменяемое №10

На стихóвне стихѣры глас 6:

Днесь Христóс приходит в дом фарисе́ов, и женá грѣшница, приступѣвши к ногáм, валя́шеся вопи́юще: виждь погружѣнную грехóм, отча́янную дея́ний ráди, негнуша́емую от Твоея́ блáгости: и даждь ми, Гóсподи, оставлѣние злых, и спасѣ́ мя.

Стих: *Испóлнихомся за́втра мѣлости Твоея́, Гóсподи, и возра́довахомся, и возвеселѣ́хомся: во вся дни нáша возвеселѣ́хомся, за дни в ня́же смири́л ны еси́, лѣта в ня́же ви́дехом злáя. И прѣзри на рабы́ Твоя́, и на дела Твоя́, и наста́ви сыны их.*

Прострѣ блудни́ца власы́ Тебѣ, Влады́це, прострѣ Иúда рúце беззакóнным: óбва úбо прийтѣ оставлѣние, ов же взя́ти сребреники. Тѣмже Тебѣ вопи́ем прóданому, и свобóждшему нас, Гóсподи, сла́ва Тебѣ.

Стих: *И бóди свѣтлость Гóспода Бóга нáшего на нас, и делá рук нáших испрáви на нас, и дѣло рук нáших испрáви.*

Приступѣ́ женá злосмра́дная и оскверне́ная, слѣзы пролива́ющи, любя́щи, Спáсе, страсть исповѣ́дающи: кáко воззрjú к Тебѣ, Влады́це? Сам бо пришѣл еси́ спасти́ блудни́цу: из глубины́ умершую мя воскресѣ́, И́же Лázаря воздвѣ́гнувый из грóба четверодне́вна: приими́ мя, окая́нную, Гóсподи, и спасѣ́ мя.

Стих: *Исповѣ́мся Тебѣ, Гóсподи, всем сѣрдцем мо́им, повѣ́м вся чудеса́ Твоя́.*

Отча́янная жити́я ráди, и увѣдомая нра́ва ráди, мѣра нося́щая приступѣ́ Тебѣ вопи́юще: да не отвѣ́ржеша́ мене́ блудную, Роди́выйся от Дѣвы: да не прѣзриши моя́ слѣзы, Рáдосте А́нгелов.

Но прими́ мя ка́ющуюся, юже не отрину́л еси́ согреша́ющую, Го́споди, вели́кия ра́ди Твоея́ ми́лости.

Сла́ва, и ны́не: глас 8: Го́споди, и́же во мно́гия грехи́ впа́дшая жена́, Твое́ ощути́вшая Бо́жество, мирно́сицы вземши чин, рыда́ющи ми́ро Тебе́ пре́жде погребéния прино́сит, увы́ мне! Глаго́лющи, я́ко ночь мне есть разжéние блуда невозде́ржанна, мра́чное же и безлу́нное рачéние греха́. Прими́ моя́ исто́чники слез, И́же облака́ми производи́ моря́ во́ду, приклони́ся к моём въздыха́нием сердéчным, приклони́вый Небеса́, неизрече́нным Твоём исто́щанием: да облобыжу́ пречи́стии Твои́ но́зе, и отру́ сия́ па́ки главы́ мое́й власы́, и́хже в рай Ева, по полудни, шу́мом у́ши огласи́вши, стра́хом скры́ся. Грехо́в мо́их мно́жества, и суде́б Твои́х бе́здны кто́ изсле́дит? Душеспа́сче Спа́се мой, да мя, Твою́ рабу́, не презриши, И́же безме́рную имéяй ми́лость. *<далее см. основной Чин>*

Утром среды

Изменяемое №11

Чтётся кафисма 15.

По кафизме седáлен глас 4:

Иуда́ льстец, сребролю́бия рачи́тельствуяй, преда́ти Тя, Го́споди, Сокро́вище Живота́, ле́стно поуча́шися. Отонудуже и упи́вся, течёт ко иудео́м, глаго́лет беззаконным: что́ ми хо́чете да́ти, и аз вам преда́м, во е́же распя́ти Егó?

Сла́ва, и ны́не, Богорóдичен: <далее см. основной Чин>

Изменяемое №12

Чтётся кафисма 16.

По кафизме седáлен глас 1:

Блудни́ца в пла́че вопия́ше, Ще́дре, отира́ючи те́пле пречи́стии Твои́ но́зе власы́ главы́ своея́, и из глубины́ стени́щи: не отрини́ мя, ниже́ омерзй́, Бо́же мой: но прими́ мя ка́ющуюся, и спаси́, я́ко еди́н Человеколю́бец.

Сла́ва, и ны́не, Богорóдичен: <далее см. основной Чин>

Изменяемое №13

Тропа́рь глас 8:

Се Женіх грядёт в полунощи,/ и блажен раб, Егóже обрящет бдяща,/ недостóин же паки, Егóже обрящет унывающа./ Блюди́ убо, душе́ моя,/ не снóм отяготіся,/ да не смёрти прѣдана будеши,/ и Царствія вне затвори́шися,/ но воспряни́ зовущи:/ Свят, Свят, Свят еси́, Бóже,/ Богородицею помилуй нас.

<далее см. основной Чин>

Изменяемое №14

На хвалітех стихіры:

Стих: Сотвори́ти в них суд напíсан./ Сла́ва сия́ будет всем преподóбным Егó.

Стих: Хваліте Бóга во святых́ Егó,/ хваліте Егó во утвержéнии си́лы Егó.

Стих: Хваліте Егó на си́лах Егó, хваліте Егó по мнóжеству вели́чества Егó.

Глас 1. Тебé, Дéвыя Сы́на, блудни́ца, позна́вши Бога, глаго́лаше, в пла́чи моля́щися, я́ко слез достóйна соде́лавшая: разреши́ долг, я́коже и аз власы́: возлюбí любящую, пра́ведно ненави́димую, и близ мытарей Тебé проповём, благодéтелю Человеколю́бче.

Стих: Хваліте Егó во гласе трубнем, хваліте Егó во псалтíри и гуслех.

Многоцéнное мíро блудни́ца смеси́ со слезáми, и излия́ на пречістеи нóзе Тво́й, облобыза́ющи: óную áбие оправда́л еси́, нам же прощение да́руй, пострада́вый о нас и спаси́ нас.

Стих: Хваліте Егó в тимпа́не и ли́це, хваліте Егó во стру́нах и орга́не.

Егда́ грéшная приноша́ше мíро, тогда́ учени́к соглаша́шеся пребеззакóнным. Óвая у́бо радовашеся, истоща́ющи мíро многоцéнное: сей же тща́шеся продáти безцéннаго. Сия́ Влады́ку позна́ваше, а сей от Влады́ки разлуча́шеся. Сия́ свобожда́шеся, а Иу́да раб быва́ше врагу́. Лю́то есть лéность, véлие пока́яние: éже мне да́руй, Спа́се, пострада́вый о нас, и спаси́ нас.

Стих: Хваліте Егó в кимвáлех доброгласных, хваліте Егó в кимвáлех восклицáния. Вся́кое дыха́ние да хва́лит Го́спода.

О, Иу́дина ока́янства! Зря́ше блудни́цу целую́щую стопы́, и умышля́ше лéстию предáния целова́ние. Óная власы́ разреши́, а сей я́ростию вяза́шеся, нося́ вмéсто мíра злосмра́дную злóбу. За́висть бо не вестъ предпочитáти полéзное. О, Иу́дина ока́янства! От него́же изба́ви, Бóже, ду́шы на́ша.

Слáva, глас 2: Грѣшная течѣ к мѣру, купѣти многоцѣнное мѣро, ѣже помáзати Благодѣтеля, и Мироподáтелю вопиáше: даждь ми мѣро, да помáжу и аз Очи́стившаго вся моя грехѣ.

И ны́не, Богорóдичен: <см. основной Чин>

Изменяемое №15

Кондак глас 4:

Пáче блуднѣцы, Блáже, беззакóнновав,/ слез тѣчи ника́коже Тебѣ принесóх;/ но молчáнием моля́ся припадаю Ти,/ любóвию облобызáя пречѣисти Твоѣ нóзе,/ я́ко да оставлѣние мне, я́ко Влады́ка подáси долгóв,/ зовѣщу Ти, Спа́се:/ от сквѣрных дел моѣх избáви мя.

<далее см. основной Чин>